

Rhan 1

Cyflwyniad i'r pecyn

Rhan 1



Diolch Sam

Gwaithleuenctid Cymru

pobl fel chi sy'n ei wneud fel y mae

Rhan 1

Cyflwyniad i'r pecyn

1.1 Pwrpas

Pwrpas y pecyn hwn yw galluogi gweithwyr ieuentid, athrawon, cynghorwyr gyrfaoedd a gweithwyr eraill i hyrwyddo gwaith ieuentid fel gyrfa i bobl ifanc.

Mae'r pecyn i gael ei ddefnyddio gyda phobl ifanc 13 oed a hŷn mewn ystod o amgylcheddau dysgu ffurfiol ac anffurfiol, gan gynnwys y sectorau gwirfoddol a chynaleddig, er mwyn codi ymwybyddiaeth o Waith Ieuentid fel profiad gwerthfawr iddynt hwy ac i'w cymunedau.

O ganlyniad, y gobaith yw y bydd pobl ifanc am gymryd rhan, neu gymryd cyfrifoldeb am waith mewn amgylcheddau gwaith ieuentid. Y nod yn y pen draw yw y bydd pobl ifanc yn gweld posibilrwydd gyrfa mewn gwaith ieuentid, boed wirfoddol neu

statudol, am dâl neu heb dâl, ac y byddant yn penderfynu dilyn y llwybr hwn ar sail gwybodaeth.

Bwriad y llyfryn atodol i bobl ifanc 'Allech chi fod y Sam nesaf?' yw hysbysu pobl ifanc a'u rhieni/gofalwyr am Waith Ieuentid, a'u cyfeirio at wybodaeth ac adnoddau pellach.



*Olwynion Sir y Fflint i... (FW2)
Gwasanaeth Ieuentid Cyngor
Sir y Fflint*

“Diolch Sam

Mae FW2 wedi fy ngwneud yn fwy annibynnol. Rydw i'n gallu gweithio dros benwythnosau ac rydw i wedi bod yn mynd i ddosbarthiadau nos hefyd.”

1.2 Nod

Nod y pecyn yw cynnig adnoddau addas i rai sy'n gweithio gyda phobl ifanc i'w galluogi i godi ymwybyddiaeth o'r materion o bwys a rhoi gwybodaeth a chymorth ychwanegol iddynt.

Gwneir hyn trwy'r canlynol:

- i. Darparu sesiwn rhyngweithiol sy'n para am tua 45 munud sy'n addas ar gyfer:
 - Pobl ifanc sy'n gwybod dim am Waith Ieuentid (Cynllun 1)
 - Pobl ifanc sydd â pheth profiad o Waith Ieuentid a gwirfoddoli (Cynllun 2)
 - Pobl ifanc sydd wedi mwynhau gwirfoddoli ac a allai ystyried gwaith ieuentid fel gyrfa wedi iddynt gael ychydig mwy o wybodaeth ac anogaeth (Cynllun 3)
- ii. Darparu gwybodaeth a chymorth i bobl ifanc am eu hopsiynau, ei dewisiadau a ble y gallant gael rhagor o wybodaeth
- iii. Y llyfryn '**Allech chi fod y Sam nesaf?**' i ategu neges y sesiwn a chyfeirio pobl ifanc at ffynonellau gwybodaeth eraill y gallant eu hymchwilio a'u dangos i'w teuluoedd.

**“Diolch Sam
Roedden ni'n trafod
pethau nad oeddwn
wedi meddwl amdany'n
nhw o'r blaen. Nid oedd
unrhyw un wedi trafod
pethau felly o'r blaen
gyda fi.”**



**Cariad a Pherthnasau
Gwasanaeth Ieuentid Cyngor
Sir Ceredigion**

1.3 Rhesymeg

'Mae gan y Gwasanaeth Ieuenctid rôl wirioneddol i'w chwarae... trwy gynnig i bobl ifanc y mathau o gyfleoedd sy'n eu cymell i weithredu mewn modd cadarnhaol ac sy'n eu harwain i ddatblygu ystod eang o sgiliau a gwella eu dealltwriaeth emosiynol'
(Strategaeth Genedlaethol y Gwasanaeth Ieuenctid 2007)

Mae Gwasanaeth Ieuenctid Cymru'n cynnwys mudiadau'r sector gwirfoddol a chynaleddig. Mae'r gwaith Ieuenctid yn cael ei gyflawni mewn tri phrif faes:

- Gwasanaeth Ieuenctid yr awdurdod lleol;
- mewn prif fudiadau Ieuenctid gwirfoddol cenedlaethol;
- mewn prosiectau lleol y trydydd sector.

Fel pennir gan y Datganiad Cwricwlwm Gwaith Ieuenctid ar gyfer Cymru (Atodiad 1) sy'n gofyn bod gwaith Ieuenctid yn darparu cyfleoedd i bobl ifanc sy'n: Addysgiadol, Mynegiannol, Cyfranogol a Galluogol gyda ffocws ar gynhwysiant a mynediad cyfartal.

Mae'r Gwasanaeth Ieuenctid yn cynnig cyfle i weithwyr cyflogedig a gwirfoddol wneud gwahaniaeth gwirioneddol i bobl ifanc unigol ac i fywyd cymunedau.



**Cynhadledd Ieuenctid y Methodistiaid
Synod Cymru o'r Eglwys
Fethodistaidd, Cymru**

Gall fod prinder gwybodaeth am y Gwasanaeth Ieuenctid a sut mae'n cefnogi pobl ifanc, trwy lencyndod i oedran. Yn syml, mae llawer mwy i'r peth na chwarae pŵl a thennis bwrdd. Mae mentora, hyfforddi, cyfeillachu, hysbysu, cymell a thiwora ymhlith roliau amrywiol Gweithiwr/wraig Ieuenctid. Mae angen mwy o Weithwyr Ieuenctid sgilgar a hyfforddedig yn y sector cyfnewidiol hwn sy'n datblygu o hyd.

Mae'r pecyn hwn yn rhan o ddull strategol ehangach o godi proffil gwaith Ieuenctid yn y Gwasanaeth Ieuenctid a chynyddu nifer y staff cyflogedig a gwirfoddol yn y maes.

1.4 Termau Gwaith Ieuenctid a Gwirfoddoli

Am ei bod yn bosibl y bydd y pecyn hwn yn cael ei ddefnyddio gan weithwyr ieuenctid a gweithwyr proffesiynol eraill mae'n bwysig bod yn glir ynghylch y termau Gwaith Ieuenctid a Gwirfoddoli.

Gwaith ieuenctid yw'r fethodoleg a'r gweithgareddau a wneir mewn partneriaeth â phobl ifanc sy'n cydymffurfio â gwerthoedd ac egwyddorion y Datganiad Cwricwlwm Gwaith Ieuenctid ar gyfer Cymru (Atodiad 1), ac sy'n digwydd yn y Gwasanaeth Ieuenctid.

Diffinnir y term **gwirfoddoli** fel y'i disgrifir yn Adroddiad Comisiwn s Russell Fframwaith Cenedlaethol ar gyfer Gweithredu a Chysylltiadau Ieuenctid (2005) ac mae'n dynodi:

'...y ffyrdd amrywiol a chyfoethog i bobl ifanc gyfrannu at eu cymunedau ar lefel leol a chenedlaethola rhyngwladol. Rydym wedi mabwysiadu hefyd y diffiniad bras o wirfoddoli a ddefnyddir gan y Cenhedloedd Unedig, sy'n cwmpasu holl rychwant gweithgareddau gwirfoddol a sut maent yn cael eu trefnu, gan gwmpasu syniadau cyfranogi a dinasyddiaeth weithredol.'

Mae gwirfoddoli, fel y'i diffinnir yma, felly, yn cwmpasu holl weithgareddau'r Gwasanaeth Ieuenctid lle mae pobl ifanc yn bartneriaid gweithredol ac yn gwneud penderfyniadau am yr hyn y maent yn ei wneud a sut mae ei gyflawni.



'Noson Oscar' Gwobrau Ffilmiau Ieuenctid Sir Benfro
Gwasanaeth Ieuenctid Sir Benfro

**“Diolch Sam
Mae popeth wedi
bod yn wych.
Rydw i wedi hoffi
popeth rydyn ni
wedi’i wneud.
Mae’n grêt gwneud
gwahanol bethau.”**



**Prosiect Allgymorth Mochdr
Gwasanaeth Ieuenctid Conwy,
Mochdre, Conwy**

1.5 Canlyniadau defnyddio’r pecyn

Canlyniadau defnyddio’r pecyn i bobl ifanc yw:

- Meithrin gwybodaeth ac ymwybyddiaeth o wir ystyr gwaith ieuenctid
- Annog gwirfoddoli trwy dynnu sylw at y cyfleoedd yng nghyd-destun gwaith ieuenctid
- Ystyried gwaith ieuenctid fel gyrfa ddichonadwy
- Defnyddio’r llyfryn ‘**Allech chi fod y Sam nesaf?**’ ar gyfer gwybodaeth a gweithredu pellach
- Ateb ymholiadau a chwestiynau a chyfeirio pobl ifanc trwy ddefnyddio’r taflenni a’r adnoddau i bobl ifanc



Rhaglen yr Haf Gwasanaeth Ieuentid Dinas a Sir Abertawe

1.6 Ar gyfer pwy mae hwn?

Mae'r pecyn ar gyfer Gweithwyr Ieuentid, athrawon, ymgynghorwyr gyrfaoedd a gweithwyr eraill sydd â phrofiad o weithio gyda phobl ifanc ac o redeg gweithgareddau cyfranogol. Mae'r adnodd ychwanegol 'Allech chi fod y Sam nesaf?' i bobl ifanc a'u teuluoedd.

1.7 Natur y pecyn

Bwriedir i'r pecyn fod yn syml, ac yn gyfranogol iawn, gan adlewyrchu methodoleg gwaith ieuentid lle mae gweithgareddau'n cael eu cymhell gan y person ifanc gyda chymorth arweinwyr o oedolion. Mae ymchwil helaeth mewn

amryw amgylcheddau gyda phobl ifanc a Gweithwyr Ieuentid wedi pennu natur y pecyn hwn trwy gynnig darnau dysgu hygyrch a hylaw, ynghyd â chyfeiriadau at wybodaeth bellach.

Gellir atgynhyrchu'r holl ddeunydd heb golli ei effaith a'i effeithiolrwydd. Mae cynlluniau'r sesiynau'n syml ac yn hyblyg i ateb anghenion y cyd-destun a'r bobl ifanc, dan gyfyngiadau amser, lleoliad a'r cyfleusterau sydd ar gael. Er enghraifft, mewn Digi-lab gellid treulio mwy o amser yn ymchwilio ar y rhyngwyd neu'n edrych ar safleoedd a argymhellir, ond mewn clwb ieuentid gellid treulio mwy o amser ar gemau, cwisiau neu drafod.

1.8 Y cyd-destun Cymreig

Datblygwyd yr adnodd hwn yng Nghymru ac i Gymru. Mae'r wybodaeth sydd yn y pecyn hwn yn berthnasol i Gymru. Mae'r meysydd polisi'n wahanol yng ngweddill y DU, ac i raddau hefyd rai o'r cyfleoedd i wirfoddoli a derbyn hyfforddiant. Fodd bynnag, mae cymwysterau gwaith ieuencid ar gael a gellir eu trosglwyddo a'u cydnabod ledled y DU ac Iwerddon. Mae Atodiad 3 yn cynnwys rhestr o'r prif fanylion cyswllt mewn rhannau eraill o'r DU.

**“Diolch Sam
Mae'r bandiau'n dda,
mae'r awyrgylch yn
dda ac mae'n cadw
pobl oddi ar y
strydoedd!”**



**Prosiect Cornel Siarad
Conwy Youth Service, Colwyn Bay**

1.9 Cynnwys y pecyn

Mae 3 adran yn y pecyn hwn ar ôl y cyflwyniad.

Mae **Rhan 2** yn cynnwys tri sesiwn rhyngweithiol mewn gweithdy i'w defnyddio gyda phobl ifanc. Mae'n cynnwys cymorth a gwybodaeth hefyd sy'n berthnasol o ran cynllunio a darparu sesiynau mewn amgylcheddau gwaith ieuencid neu mewn ystafell ddosbarth, yn targedu gwahanol grwpiau o bobl ifanc, gan ddibynnu ar lefel eu cysylltiad â gwaith ieuencid.

Mae **Rhan 3** yn cynnwys gwybodaeth gefndirol fwy manwl i weithwyr ieuencid a gweithwyr proffesiynol eraill, ac i bobl ifanc. Ceir gwybodaeth am wirfoddoli, am lwybrau hyfforddiant, achredu, gyrfaoedd, sefydliadau a all fod o help a gwybodaeth ychwanegol a all fod yn ddefnyddiol i berson ifanc sydd am benderfynu a ddylai wneud gwaith ieuencid a pha yrfa i'w dilyn.

Mae **Rhan 4** yn cynnwys yr holl adnoddau a thafleuni ar gyfer y sesiynau gan gynnwys gweithgareddau torri'r garw ac ymarferion.

Mae'r daflen werthuso'n cynnwys adborth i'r tiwtor a'r sefydliad am effeithiolrwydd y sesiwn.

Mae'r ffurflen ddilyniant a'r camau nesaf a'r opsiynau o safbwynt oedran yn sesiwn 3 i fod i helpu'r hwylysydd i roi cymorth pellach i bobl ifanc sydd wedi mynegi diddordeb mewn gwybod rhagor am yrfa mewn gwaith ieuencid.

Cynhwyswyd tystysgrif presenoldeb i bobl ifanc hefyd.

Mae'r **Atodiadau**'n cynnig fersiynau cryno o'r Datganiad Cwricwlwm Gwaith Ieuencid ar gyfer Cymru, a'r Safonau Galwedigaethol Gwaith Ieuencid Cenedlaethol, enwau cyswllt defnyddiol a rhagor o wybodaeth am hyfforddiant, cyfraddau cyflog a sefydliadau sy'n hyfforddi ac yn datblygu'r gweithlu. Ceir gwybodaeth am ddyfarniadau i bobl ifanc a chyfeiriadau yn yr atodiadau hefyd.

Ategir y deunyddiau gan y llyfryn '**Allech chi fod y Sam nesaf?**', y bydd y bobl ifanc yn ei gadw yn sgil y sesiwn.



Fforwm Ieuencid Byddar Cymru
Cymdeithas y Byddar Cymru